



PLAN ANUAL DI KÁMARA DI KOMÈRSIO I INDUSTRIA BONEIRU 2024

TRAHA BRÙG NA
I PA BONEIRU!

ÍNDISE

1. Introdukshon	3
2. Registro Komersial	4
3. Business Innovation & Skills (BIS)	6
4. Sentro pa Empresariado	8
5. Komunikashon	9
6. Stakeholdernan	10

Jelenie, Jian, John, Pierre, & Tabita



Deborah, Florence, Rubia & Sharetti



Mecheniq & Shuzelle



Phar



1. INTRODUKSHON

Na aña 2024 Kámara di Komèrsio Boneiru a pone komo meta pa sigui mehorá e kolaborashon ku otro organisashonnan na Boneiru, stakeholdernan i diferente ministerio. Kámara di Komèrsio ke realisá esaki pa medio di komuniká pro-aktivamente ku stakeholdernan i empresarionan na Boneiru.

Den aña 2024 lo por utilizá e sistema di registro komersial ku a lansa nobo na aña 2022 den su embergadura completo. Esaki ta tuma lugá pa medio di optimalisashon di e prosesonan, mehorashon di dunamentu di servisio i sosten profeshonal pa empresarionan (ku ta kuminsando). Naturalmente por lo general esaki lo tuma lugá den un forma digital pa medio di e método di 'click-call-face' ku Kámara di Komèrsio ta hasi uso di dje awor akíe.

2. REGISTRO KOMERSIAL

Entrante 15 di òktober 2023 tin 6785 empresa inskribí den e registro komersial di Kámara di Komèrsio. Esaki ta un oumento di 11%, kompará ku aña 2022 (oumento di 6%). Por repartí e inskripshonnan akí den e siguiente kantidatnan pa kada tipo di empresa. (wak e tabèl)

Durante e periodo di 1 di yanüari 2023 te ku 15 di òktober 2023 tabatin en total 661 inskripshon nobo registrá den e registro komersial, kompará ku 685 den e mesun periodo na aña 2022. Esaki ta mas òf ménos 3% ménos inskripshon ku na aña 2022. No opstante esaki, por mira un oumento di 11% na aña 2023 di e kantidat total di empresanan registrá. Un posibel splikashon pa esaki ta

ku den kaso ku empresarionan stòp ku nan operashon empresarial, lamentablemente no tur ora nan ta pone e registro komersial na altura di esaki. Pa e motibu akí den e bista general por surgi un imágen muchu positivo di e populashon.

Ta bai purba realisá un koneshon ku e Fasilidat di Informashon di Persona Antia Hulandes i Aruba (Persoonsinformatievoorziening Nederlandse Antillen en Aruba – PIVA), conforme e Lei di Protekshon di Informashon di Persona BES (Wet bescherming persoonsgegevens BES), di manera ku un verifikashon di adrès di parti di klientenan no ta nesesario mas i e registro komersial su kalidat ta bira mas

haltu. Konkretamente esaki lo por nifiká ku lo por akoplá e registro komersial elektrónikamente na otro registrashonnan (básiko) i tambe posibelmente konektá ku DigiD i ‘eHerkenning’ (rekonosementu digital).

Na aña 2024 lo sigui adaptá e formularionan di Kámara di Komèrsio mas aleu, hasiendo uso di e sistema di ERS. Un ehèmpel di esaki ta e formulario di Modelo A. Banda di esaki lo traha pa sòru ku tur formulario ta bira disponibel den un forma multilingual pa nos empresarionan. A base di e sistema digital nobo, nos klientenan por hasi kambio rápidamente i fásilmente. Na aña 2024 lo sigui refiná e sistema pa nos por brinda nos empresarionan un servisio mas mihó ainda na momentu di registrashon online.

Banda di esaki Registro Komersial lo duna mas popularidat na e posibilidat di registrashon di kondishonnan general. Ya kaba esaki ta tumando lugá riba eskala grandi na Hulanda Oropeo.

Rechtsvorm	31/12/2021	31/12/2022	31/12/2023
Eenmanszaak	1.439	1.423	1.634
Maatschap	4	4	4
VOF	32	27	27
CV	0	1	2
NV	890	889	898
BV	2.604	2.947	3.329
Coöperatie	11	11	13
Stichting	385	386	397
SPF (Stichting Particulier Fonds)	43	40	41
Vereniging	188	200	206
Buitenlandse rechtsvorm, hoofdvestiging op Bonaire	2	2	6
Nevenvestiging op Bonaire van een buitenlandse rechtsvorm	190	209	228
Totaal	5.788	6.139	6.785



3. BUSINESS INNOVATION & SKILLS (BIS)

Kámara di Komèrsio ta un sitio kaminda empresario- nan den un forma fásilmente aksesibel por haña in- formashon tokante hasimentu di negoshi na Boneiru. Nos ta duna e informashon akí riba nos wèpsait, den kòmbersashonnan personal ku nos conseheronan empresarial, via seshonnan di informashon na Kámara di Komèrsio òf via diferente webinar ku nos ta bai ofresé den aña 2024.

Durante aña 2024 e departamento di BIS lo duna atenshon na empresariado na skol, eksportashon, e kapasidat inovativo di Boneiru i kombatinentu di prosedimentunan i regulashon innesesario. Finalmente na aña 2024 nos ta bai organisá un otro Bonaire Chamber Art Exhibition, despues di dos edishon anterior ku tabata sumamente eksitoso. Tambe nos lo konsiderá un eksposishon nobo pa un grupo di enfoke spesífiko, ku tambe ta kontribuí na desaroyo ekonómiko mas aleu di Boneiru.

Na aña 2024 un biaha mas Kámara di Komèrsio lo bini ku e KvK Academy ku ta sumamente eksitoso, kaminda den 11 módulo lo prepará empresarionan ku ta kuminsando pa ranka sali ku nan empresa, ku na final e ‘pitch’ konosí komo ‘Tanki di Tribon’. E Innovation Academy tambe lo bini bèk na aña 2024, kaminda via Design Thinking ta laga empresarionan eksistente pensa den un forma inovativo tokante kon por pone

nan organisashon na un manera inovativo i distintivo riba merkado. Durante aña 2024 Kámara di Komèrsio huntu ku e Plataforma di NGO, e organisashon di interes pa Fundashonnan i Asosiasionnan, lo desaroyá un kuríkulo ku lo enfoká prinsipalmente riba formulashon di petishon pa subsidio, raportahe, aspektonan hurídiko i ‘good corporate governance’.

Banda di esaki lo amplia e atenshon pa Blue Destination mas aleu, pa medio di guia i fasilidat empresarionan den un forma mas intensivo na momentu ku nan hasi petishon pa sertifikashon. E aspirashon ta tambe pa laga mas ramo empresarial djòn e trayekto di sertifikashon.

Den kuadro di sostenibilidat e Punto di Informashon Medio Ambiente na Kámara di Komèrsio tambe ta hunga un ròl importante. E Punto di Informashon Medio Ambiente ta duna informashon tokante e Dekreto di Establesimentu i Aktivitat (Inrichtingen- en Activiteitenbesluit – IAB) di Ministerio di Infrastruktura i Maneho di Awa. E punto di informashon físiko akí ta situá den e espasio di resepsion di Kámara di Komèrsio i e ta habrí den oranan di mainta for di 08:00 or te 12:00 or. Ta ehekutá e proyekto akí den kolaborashon ku Entidat Públiko Boneiru. Segun espektativa e Dekreto di Establesimentu i Aktivitat lo drenta na vigor den e di dos kuartal di aña 2024.

Kámara di Komèrsio su aspirashon ta pa na aña 2024, huntu ku e departamento di 'BIS & CvO' inisiá ku dos trayekto, esta 'Business Maatjes' i 'Krachten Bundelen'. Den ámbos kaso lo konektá un empresario ku un otro empresario na nos isla, kaminda unu lo ehersé e ròl di coach i/òf nan ta fortifiká otro.

Aparte di esaki na aña 2024 Kámara di Komèrsio lo okupá su mes ku supsidio i areglonan relashoná ku empresarionan na Boneiru. Den esaki no ta trata solamente di eksportashon pa eksterior, pero prinsipalmente di eksportashon na nos islanan besifña. Pa esaki lo organisá tayer pa empresarionan, ku lo yuda riba tereno di posibilidat di supsidio, loke pa hopi di nan ta algu hopi kompliká ainda. Lo traha tambe riba ampliashon di oportunidatnan komersial pa medio di stimulashon di mishonnan komersial.





4. SENTRO PA EMPRESARIADO

For di Ministerio di Asuntunan Ekonómiko i Servisio di Reino pa Hulanda Empresarial (Rijksdienst voor Ondernemend Nederland – RVO), Kámara di Komèrsio a haña e tarea pa desaroyá un programa di empresariado ku ta duna sosten na empresarionan ku ta kuminsando, na momentu di desaroyo di nan empresa pa di e manera akí realisá un empresa viabel. E programa akí mester sòru pa serka empresarionan ta mas mihó konosí kua ta e yudansa ku nan tin mester i kua ta e abilidadnan ku nan tin ku desaroyá pa disponé di un empresa viabel. E ora ei por ofresé ayudo grátis riba tereno di finansiamentu, konosementu, pèmit i impuesto. Por sigui desaroyá e abilidadnan akí mas aleu pa medio di hasi uso di ‘voucher’ pa kapasitashon, kurso i coaching.

Un di e desafionan mas importante ku empresarionan ta konstatá, ta e falta aktual di un ekosistema koherente di empresariado ku ta proveé den nesesidat di tur aspekto di un empresa ku ta kuminsando. E Sentro pa Empresariado ta bai sòru ku ta bini atenshon pa e aspektonan di mas importante durante komienso di e empresa. Pa e motibu akí un kantidat grandi di organisashon a primití di koperá ku un mihó guia pa empresarionan. Esakinan ta entre otro e Servisio di Reino pa Hulanda Empresarial (Rijksdienst voor Ondernemend Nederland), Servisio di Impuesto Hulanda Karibense, Servisio di Imigrashon i Naturalisashon, Entidat Públiko Boneiru, Qredits, e notarianan i e Ofisina di Benelux pa Propiedad Intelektual (Benelux Office for Intellectual Property).

5. KOMUNIKASHON

Durante henter aña lo komuniká tokante diferente tópiko ku ta relevante pa empresarionan. Esaki ta tuma lugá via ‘direct mailings’, nos wèpsait, nos kanalnan di medionan sosial i otro publikashonnan den medionan di komunikashon. Tambe lo tene empresarionan na altura di tur loke Kámara di Komèrsio ta hasi pa mundu empresarial. Durante aña 2024 tambe Kámara di Komèrsio lo hasi tur komunikashon strukturalmente den tres idioma, esta hulandes, ingles i papiamentu.



6. STAKEHOLDERNAN

Gustosamente Kámara di Komèrsio ke amplia i intensivá e kontaktonan ku stakeholdernan. Pa logra esaki Kámara di Komèrsio por ehèmpel a sera un konbenio ku Bonaire Overheidsgebouwen (BOG) i Tourism Corporation Bonaire (TCB). Tambe gustosamente Kámara di Komèrsio ke kolaborá ku partnernan ku ta manehá dato (por ehèmpel Registro Sivil i Servisio di Impuesto Hulanda Karibense), pa di e manera ei sòru ku e Registro Komersial ta keda eksakto i presis. Pa esaki lo tin ku kambia legislashon i regulashon tambe pa Boneiru. Pa e motibu akí ya kaba diferente biaha Kámara di Komèrsio a trese e tema akí dilanti serka e ministerionan na Hulanda ku ta responsabel pa esaki. Banda di esaki nos lo tin mester di nos gobièrnu lokal tambe pa sòru ku e reglanan i proseduranan na nos isla ta kana mas fleksibel pa empresarionan pa asina minimalisá e tempu ku empresarionan ta pèrdè na momentu di kuminsá ku nan empresa.



